



Broj: A-III-41/20-V
Sarajevo, 04.11.2020. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav 1. tačka b), člana 25., člana 70. i člana 98. Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine te preporuke Komisije za provođenje postupka javne nabavke usluga „Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo“, date u Zapisniku broj: A-III-41/20–IV od 03.11.2020. godine, Glavna kantonalna tužiteljica donosi:

O D L U K U

o izboru najpovoljnijeg ponuđača i dodjeli ugovora za nabavku usluga:
„Nabavka usluga čišćenja poslovnih prostorija u zgradi Kantonalnog tužilaštva
Kantona Sarajevo“

I

Prihvata se preporuka Komisije za javne nabavke i Ugovor o javnoj nabavci usluga: „Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo“ dodjeljuje se najpovoljnijem ponuđaču **“ISS” d.o.o. Široki Brijeg, ul. Pribinovići –Mokro bb, Široki Brijeg**, a prema ponudi broj: 160/20 od 26.10.2020. godine, s ukupnom vrijednošću ponude u iznosu od **64.704,00 KM bez PDV-a, odnosno 75.703,68 KM sa PDV-om**, kao najpovoljnijem ponuđaču.

II

Nakon isteka roka od 15 dana od dana kad su ponuđači obaviješteni o izboru najpovoljnijeg ponuđača, sa izabranim ponuđačem zaključit će se Ugovor u trajanju od dvije godine dana, počev od 01.01.2021. do 31.12.2022. godine, kojim će se regulisati međusobna prava i obaveze vezano za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. ZJN.

Obrazloženje

Na osnovu Odluke o pokretanju postupka javne nabavke broj: A-III-41/20 od 21.09.2020. godine i Obavještenja o nabavci broj: 274-1-2-101-3-10/20 od 09.10.2020. godine, objavljenog na Portalu javnih nabavki, pokrenut je postupak javne nabavke usluga „**Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo**“, procijenjene vrijednosti 75.000,00 KM bez PDV-a, putem otvorenog postupka javne nabavke. Ugovorni organ je predvidio sklapanje Ugovora na period od dvije (2) godine od dana početka primjene Ugovora.

Kriterij za dodjelu Ugovora, shodno odredbama člana 64. ZJN je „ekonomski najpovoljnija ponuda tehnički zadovoljavajuće ponude“.

Za predmetnu nabavku, tekst tenderske dokumentacije otvorenog postupka javne nabavke, ponuđači su mogli preuzeti samo putem Portala javnih nabavki.

Zahtjev za pojašnjenje tenderske dokumentacije u predmetnom postupku javne nabavke, u skladu sa tačkom 6.2. TD, u zakonskom roku putem portala JN je postavio ponuđač „ATALIAN GLOBAL SERVICES BH“ d.o.o. Sarajevo, dana 15.10.2020 godine u 12.38 sati i isto se odnosilo na tačku 9.2. TD da li tražene Izjava 7., 8. i 9. moraju biti original ili ovjerene od strane nadležnog organa, te da li je dovoljno da dostave izjavu ovjerenu od strane ponuđača -original. Takođe pitanje se odnosilo da li je dovoljno dostaviti spisak opreme koji je potpisan i ovjeren od strane ponuđača -original. Isti dan ugovorni organ je takođe putem Portala JN dostavio traženo pojašnjenje koje je bilo dostupno svim zainteresovanim ponuđačima.

Rok za prijem ponuda je bio 28.10.2020. godine u 11:00 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu Komisija), je dana 28.10.2020. godine u 11,15 sati, u prostorijama Ugovornog organa, izvršila javno otvaranje ponuda i sačinila Zapisnik o otvaranju ponuda. Zapisnik sa otvaranja ponuda dostavljen je svim ponuđačima koji su predali svoje ponude, u zakonskom roku, u skladu sa članom 63. stav 6. Zakona o javnim nabavkama. Javnom otvaranju ponuda prisutan je bio predstavnik ponuđača „Global Technical Service“ d.o.o. Sarajevo, Šabanović Medina, LK broj: 11BRI6494 MUP KS CENTAR, po ovlaštenju broj 010/20. Komisija je konstatovala da je blagovremeno zaprimljeno pet (5) ponuda.

U skladu sa Pravilnikom o uslovima i načinu korištenja e-aukcije (Sl. glasnik BiH broj: 66/16), u postupku dodjele Ugovora, ugovorni organ nije predvidio provođenje E-aukcije, obzirom da je kriterij za dodjelu ugovora „ekonomski najpovoljnija ponuda“.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-41/20–IV od 03.11.2020. godine, koji je sastavni dio ove Odluke, i u kome je konstatovala sljedeće:

Pregledom i analizom dostavljene dokumentacije svih ponuđača, **Komisija je konstatovala da su ponude ponuđača „EMMS“ d.o.o. Tešanj, „ISS“ d.o.o. Široki Brijeg, „Atalian Global Services BH“ d.o.o. Sarajevo, „ECOTIME“ d.o.o. Sarajevo i „Global Technical Service“ d.o.o. Sarajevo prihvatljive** prema obliku, sadržaju, potpunosti, sposobnosti obavljanja profesionalne djelatnosti i tehničke i profesionalne sposobnosti.

Komisija je daljom analizom prihvatljivih ponuda, u pogledu traženih i dostavljenih dokumenta na osnovu kojih se utvrđuje postojanje li razlozi isključenja ponuđača – obavezni uslovi za kvalifikaciju, izvršila uvid u ponude u **pogledu zadovoljavanja tehničkih uslova za predmet nabavke, zahtijevanih u tehničkoj specifikaciji tenderske dokumentacije i utvrdila da su ponude ponuđača „EMMS“ d.o.o. Tešanj, „ISS“ d.o.o. ŠIROKI BRIJEG, „Atalian Global Services BH“ d.o.o. Sarajevo, „ECOTIME“ d.o.o. Sarajevo i „Global Technical Service“ d.o.o. Sarajevo prihvatljive, odnosno da su iste u skladu sa tehničkom specifikacijom.**

Komisija konstatuje da je u skladu sa tačkom 10.5. TD izvršila provjeru računskih ispravnosti ponuda, te da nijedna ponuda nije imala računskih grešaka.

Polazeći od gore navedenih konstatacija i činjenice da je pet (5) blagovremeno pristiglih ponuda prihvatljivo za ugovorni organ, s obzirom da ispunjavaju uslove iz tenderske dokumentacije, Komisija je pristupila vrednovanju prihvatljivih ponuda, shodno utvrđenom kriteriju „**ekonomski najpovoljnija ponuda**“ tehnički zadovoljavajuće ponude, a koje se ocjenjuju na osnovu sljedećih kriterija:

- a) Cijena -80%- maksimalan broj bodova 80 dodijelit će se ponuđaču koji je ponudio najnižu cijenu. Ostali ponuđači će u skladu s tim dobiti manji broj bodova prema formuli datoj u tački 10.1. TD.
- b) uslovi plaćanja -20% i to:
 - plaćanje u roku 30 dana – 5 bodova;
 - plaćanje u roku 60 dana – 10 bodova;
 - plaćanje u roku 90 dana – 20 bodova.

Ocjena ponuda –bodovanje dato je u sljedećoj tabeli:

Redni br. zaprimanja ponuda	Naziv ponuđača	Ponuđena Cijena KM	Najniža cijena -80 bodova	ROK plaćanja 30 dana	ROK plaćanja 60 dana	ROK plaćanja 90 dana	Ukupno	Poredak ekonomski najpovoljnija ponuda
1.	EMMS D.O.O. TEŠANJ	87.019,20	59,48		10		69,48	5
2.	ISS d.o.o. ŠIROKI BRIJEG	64.704,00	80			20	100	1.
3.	ATALIAN Global Services d.o.o. Sarajevo	73.422,72	70,50			20	90,50	2.
4	ECOTIME d.o.o. Sarajevo	69.071,76	74,94	5			79,94	4
5	Global Technical Service d.o.o. Sarajevo	66.895,92	77,38		10		87,38	3.

Shodno navedenom na osnovu navedenog kriterija – rang lista prihvatljivih ponuda za nabavku usluga „Čišćenje poslovnih prostorija Kantonalnog tužilaštva Kantona Sarajevo“, je sljedeća:

R.B.	Naziv ponuđača	Vrijednost ponude bez PDV-a
1.	ISS d.o.o. ŠIROKI BRIJEG, broj ponude: 160/20	64.704,00 KM
2.	ATALIAN Global Services d.o.o. Sarajevo, broj ponude: KA-172/20	73.422,72 KM
3.	Global Technical Service d.o.o. Sarajevo, broj ponude: 261/20	66.895,92 KM
4.	ECOTIME d.o.o. Sarajevo, broj ponude: 1-601/20	69.071,76 KM
5.	EMMS D.O.O. TEŠANJ, broj ponude: 40/01-2020	87.019,20 KM

Kao prvorangirana najpovoljnija ponuda, prema kriteriju „ekonomski najpovoljnija ponuda”, je ponuda izabranog ponuđača **“ISS” d.o.o. Široki Brijeg, ul. Pribinovići –Mokro bb, Široki Brijeg, s ponuđenom cijenom 64.704,00 KM bez PDV-a, odnosno 75.703,68 KM sa PDV-om.**

Cijeneći naprijed navedeno, primjenom člana 64. stav 1. tačka a) ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

GLAVNA KANTONALNA TUŽITELJICA

Sabina Sarajlija



Dostavljeno:

- Ponuđači x 5,
- Komisija,
- a/a.